

臨風。李鄴侯一品仙衣。周公瑾三升醇酒。早已營意絲而繡平原。範心金以鑄買島矣。今幸名賢長者。命駕南來。此際識荆。我猶恨晚。獲視丰采。足慰平生。大好鴻雪因緣。應留紀念。仍願龍雲角逐。鵠候乘時。企予望之。心乎愛矣。

歡送鍾榮光先生序

錄智利華僑日報(霍劍)

高軒遙蒞。瓊衡開南美之輝。卿月初圓。琪珥映重洋之色。擬秋陽之皜皜。至德可師。看冰鑑之燦燦。容光普照。星躔斗宿。心在玉壺。宿學名家。文章華國。曩振尼山之鐸。路遠紅羊。旋乘采石之槎。帆移利馬。觀霓裳于天上。如聞馬帳笙歌。折桂子于月中。不羨狄門桃李。

。早知嶺南才藪。定有奇人。抑且百粵名區。必多佳士。是故四海仰昌黎之望。一時美元禮之光。劍文愧夜光。識非月旦。春風楊柳。喜逢化澤之濡。秋雨梧桐。幸接紫芝之宇。方擬斧裁茅塞。借重名車。何期駒影甫維。驪腔徒唱。能無繫我之感慨流連也乎。然以先生賢者多勞之身。又焉敢重貽巧作拙奴之累。祝此際揚帆歸去。闡揚學藝精神。觀他日把塵澄清。應作儒林化雨。何憾浮雲南北。流水西東。團雪散雪之歌。今雨舊雨之感。所望繼繼之緣未盡。烟波之夢仍通。他日曹阮谿中。一篷撐月。浮邱峯頂。雙屐踏烟。再與先生訪翡翠之巖。探芙蓉之嶺。甚未晚也。愚衷耿耿。離緒依依。此日相思。聊劈笈皮而寫。異時話舊。再揮

松柄而談。

捐資助學之可嘉

譚禮庭君之同學會屋譚先生於前數年。曾捐出本人之人壽保險費本銀一萬五千港員。已於兩月前期滿。連同息金共收得港銀一萬七千餘元。以爲建築嶺南同學會屋之用。經已開始建築。地在懷士堂之東南。作雙屋形。開將用一邊爲同學會所。一邊爲一舊同學之在校受職者之住宅。他日會所成可卜事業之日益發達。

赫士基上校之基本金

赫士基上校 COLONEL HASKELL 熱心教育。於南大素有感情。去歲逝世於波市頓故居。遺囑以二萬金元捐助本校作爲基本金。存諸波市頓銀行中生息。以垂久遠。若此。則每平可多得一千

金元以作經常費用矣。

晏活君之模範繅絲廠

晏活先生 Mr. ADWOOD 對於我國絲業。極有興味。去年曾到校參觀。見農科大學蠶桑部種種事業與計畫。尤稱滿意。以粵省絲質。本來甚好。光豔細緻。具有特長。所惜繅絲法有未善。以致不能盡顯其美質。因捐助二萬五千元於農科大學。建一模範繅絲廠。以爲改良粵絲之助。亦有心人也。

白德理君之冷藏室

白德理先生 Mr. BRADLEY 所見全與晏活先生同。對於農科大學蠶桑事業。感情實一般深厚。因蠶種孵化。與冷藏極有關係。因捐出六千金元。建造一室。以備母校一切冷藏之用。